

38-bob. Tovarlarini va transport vositalarini chiqarib yuborish

271-modda. Tovarlarini va transport vositalarini chiqarib yuborish asoslari

Quyidagi shartlarga rioya etilishi tovarlarini va transport vositalarini chiqarib yuborish uchun asos bo‘ladi:

bojxona rasmiylashtiruvini va tovarlarini tekshirish vaqtida qonun hujjatlari buzilganligi bojxona organlari tomonidan aniqlanmaganda;

bojxona organiga O‘zbekiston Respublikasining qonun hujjatlariga va xalqaro shartnomalariga muvofiq tovarlarini chiqarib yuborish uchun zarur bo‘lgan litsenziyalar, sertifikatlar, boshqa davlat organlarining ruxsatnomalari taqdim etilganda, bundan shunday hujjatlarning tovarlar va transport vositalari chiqarib yuborilganidan keyin taqdim etilishi hollari mustasno;

tovarlarini va transport vositalarini tanlangan bojxona rejimiga joylashtirish talablari va shartlariga deklarant yoki bojxona brokeri tomonidan (agar bojxona brokeri bojxona rasmiylashtiruvini bo‘yicha operatsiyalarni shartnoma asosida bajarayotgan bo‘lsa) rioya etilganda;

tovarlarga va transport vositalariga nisbatan bojxona to‘lovlari to‘langanda yoxud ularning to‘lanishini ta‘minlash taqdim etilganda.

272-modda. Tovarlarini bojxona yuk deklaratsiyasi topshirilguniga qadar chiqarib yuborish

Ushbu Kodeksning [251-moddasida](#) ko‘rsatilgan tovarlar bojxona chegarasi orqali olib o‘tilayotganda tovarlarini chiqarib yuborish bojxona yuk deklaratsiyasi topshirilguniga qadar yoki bojxona rasmiylashtiruvini bo‘yicha operatsiyalar yakunlanguniga

qadar deklarant yoki bojxona brokeri tomonidan quyidagi shartlarga rioya etilgan taqdirda amalga oshirilishi mumkin:

tovarlarni identifikatsiyalash imkonini beruvchi zarur ma'lumotlarni o'z ichiga olgan tovarning kuzatuv hujjatlari taqdim etilganda;

O'zbekiston Respublikasining qonun hujjatlariga yoki xalqaro shartnomalariga muvofiq radioaktiv materiallarni chiqarib yuborish uchun zarur bo'lgan litsenziyalar, sertifikatlar, tegishli davlat organlarining ruxsatnomalari taqdim etilganda;

ushbu Kodeksning [47-bobiga](#) muvofiq bojxona to'lovlarini to'lash ta'minlanganda;

tovarlar chiqarib yuborilgan kundan e'tiboran o'n besh kalendar kundan kechiktirmay bojxona yuk deklaratsiyasini berish haqida yoki bojxona rasmiylashtiruvini tugatish to'g'risida yozma majburiyat taqdim etilganda.

Bojxona yuk deklaratsiyasi berilguniga qadar chiqarib yuborilgan tez buziladigan tovarlardan hamda tirik hayvonlardan foydalanish va ularni uchinchi shaxslarga berish, shu jumladan sotish yoki boshqacha tarzda o'zga shaxsga o'tkazish orqali berish taqiqlanadi.

273-modda. Bojxona to'g'risidagi qonun hujjatlari buzilgan taqdirda tovarlarni chiqarib yuborish

Bojxona to'g'risidagi qonun hujjatlarining buzilishi aniqlangan taqdirda tovarlarni chiqarib yuborish bojxona to'g'risidagi qonun hujjatlarining buzilishiga oid ish yurituv tugallanganiga qadar amalga oshirilishi mumkin, basharti:

tovarlar qonun hujjatlariga muvofiq olib qo'yilmagan yoki xatlanmagan bo'lsa;

qonun hujjatlariga muvofiq tovarlar musodara qilinishi yoxud davlat daromadiga o'tkazilishi lozim bo'lmasa;

bojxona to'g'risidagi qonun hujjatlarining buzilishiga oid ishni ko'rib chiqish natijalari bo'yicha hisoblanishi mumkin bo'lgan bojxona to'lovlarini va jarimalarni to'lash yoki qonun hujjatlarida nazarda tutilgan boshqa undiruv choralari deklarant tomonidan ta'minlangan bo'lsa.